

10067

165



聖朝西域通志卷之十四



與漢後以六代西夏貴遊

國西域位西夏左瀛不基

臣等謹按西域之名始見於漢史自玉門陽關而

於外直抵葱嶺其在天山以北為烏孫諸國地天山

以南為城郭三十六國地班固書西域傳所載

關道里遠近形勢宛然大約各君其國自相雄長終

漢世時通時絕雖有都護校尉之設聊示羈縻

而巴唐代西突厥居天山之北龜茲焉耆諸國是

天出之南當貞觀永徽盛時分設北庭安西都護
開置四鎮其地之列爲州府者往往各就其部落
辨之而版籍不登於司徒貢賦不入於天府有駕
馭之名而實鮮開闢之實此無他地既荒遠人復
驚悍中外迥絕控制爲難歷代以來凡其名稱之
沿革疆域之分併且有未能深悉者矣我朝開而
國家統一西夏式廓丕基薄海內外罔不欵服惟準
奧噶爾以元代強臣遺孽竄處西陲據有伊犁役屬
星時向部竟敢恃其險遠自外生成我

聖祖仁皇帝三征朔漠克奏膚功其餘衆退保故巢復成

聖主部落

世宗憲皇帝嗣位以後遣師致討未及掃穴犁庭逮我

皇上御極二十年中亦未嘗一加撻伐聽其自生自息

皇上於天地之間豈復有幾微利其土地人民而爲佳

天增兵贖武之事無何蠢爾準夷自尋禍亂其部衆欵

關內附相望於途

天子命將出師用聲厥罪長驅而入徑繫其酋乃甫與

王輯安旋生逃叛斯地斯民水深火熱泊乎

王師繼進重定伊犁回部二酋復敢負

恩助逆抗我師顏用是上歷

睿謨再申

天討我

皇上指授方畧無不曲中情形於萬里之外是以五年

皇土之內兩集大勲天山南北悉歸綏定此以見

天之仁愛斯民必欲使之入我版圖共霑聲教惟

聖主奉

天時若運籌決策洞悉機宜用以丕招遠圖迪光

先烈由此休養生息保艾奠安億萬斯年垂之無極矣

皇土天山北路

臣等謹按天山爲葱嶺分支卽漢書西域傳所謂

北山也漢之烏孫匈奴唐之突厥皆隨畜牧逐水

草與龜茲于闐諸國之士著者不同並以天山爲

之限今之西域新疆北爲準部故地南爲回部故

地風氣之分其來久矣夫自古行國居國種類各

殊而其習俗之獷悍兵力之驍雄則山北尤爲強

國凡山南之城郭君長率多服屬之漢唐之世逼

近塞垣乘勝角逐雖結之以縉幣重之以和親猶
難保其終不內犯也明初自衛拉特建國雄長諸
酋宣德以後歡額森稱號太師往往誘脅諸部窺
伺塞下蓋邊徼之患無代無之威之以力則客主
既殊制之以謀則要領未悉卽有一二英武之主
奮發有爲亦不過攘之境外而止從未有收其全
部入我版圖者我

皇上智勇天錫超越百王先機制勝獨操

神斷故師行在席采入其庭拓地之遙罕有倫比自登

天朝輿籍以來以伊犁爲總統之區以烏魯木齊爲孔
道之要以雅爾爲封守之固而又南有回部諸城
爲之襟帶西北有哈薩克布魯特諸部爲之屏翰
於是計里興屯因方築堡開荒裔之土田皆成沃
壤起大蒙之亭障不限提封舉從古狂獠睢盱之
地一變而爲廬井桑麻共歸耕鑿從茲山河表裏
樂業安生永享太平之福豈非斯土斯人之厚幸
歟

天山北路漢時爲烏孫國其東境兼爲蒲類諸國

北境兼爲匈奴右部地北魏時爲悅般國其東北境兼爲高車及蠕蠕國地後周時盡入於突厥唐初西突厥強盛部落皆散處天山以北其東境又兼爲東突厥地太宗旣擒突厥頡利諸部相繼降附遙置各州設北庭大都護府以統之後賀魯來降置遙池都督府永徽初以賀魯叛廢都督府顯慶以後擒滅賀魯復以諸部遙置各都督府有金滿沙陀二州都督府陰山大漠元池三都督府鹽泊雙河匭延嗚鹿絜山鷹娑六都督府並隸於北

庭都護天寶初又置北庭節度使治北庭都護府後逢安史之亂其地漸興中土濶絕各府州亦相繼淪廢唐末突厥爲諸夷所侵至五季時漸以式微宋代聲教不及史無可紀元太祖肇迹北方蕩平西域多以皇子諸王統軍鎮之此爲勒穆爾部其東境兼爲回鶻三城地元亡而其強臣蒙克特穆爾據之其部落曰衛拉特在韃靼之西吐魯番之北後其衆分而爲三其渠有馬哈木者尤雄於部內數與韃靼酋長阿嚕台相讐明永樂時阿嚕

台既受封爲和寧王馬哈木亦內附封爲順寧王
其後擁兵將入犯明帝親征破其衆於呼蘭和實
衮追至圖拉河而還馬哈木復修貢職其子脫歡
嗣封順寧王於宣德年間襲殺阿嚕台欲自稱可
汗而衆不附乃求元後托克托布哈立之自爲丞
相居漠北凡蒙古諸部俱屬焉脫歡死子額森嗣
稱太師衆益強托克托布哈不能制正統時額森
脅諸番大舉入寇明師覆於土木旣而額森弑其
主自立以其次子爲太師東自烏梁海野人西至

蒙古赤金哈密皆受約束額森入貢於明白稱大
皇元田盛大可汗明帝詔稱爲衛拉特汗額森恃強
盛益驕景泰中阿拉知院攻額森殺之額森諸子
始不復居漠北而衛拉特之衆亦以分散其承襲
代次無可考嘉靖以後又數爲土魯番哈密所侵
掠勢益寢衰至

國初時復自成部落曰準噶爾傳至巴圖魯台吉於
順治七年曾遣使入貢其子僧格繼之僧格被弑
其弟噶爾丹繼益強盛自稱博碩克圖汗因與喀

爾喀相爭闖入我邊塞

聖祖仁皇帝親整六師自康熙二十八年至三十五年三
征朔漠噶爾丹戰敗走死其姪策妄阿拉布坦收
其父僧格舊屬及噶爾丹遺衆復自據汗位子噶
爾丹策凌繼之至策妄多爾濟那木扎爾嗣立其
庶兄喇嘛達爾扎篡而奪之尋又爲達瓦齊所篡
於是部衆內潰欵塞來歸者接踵於道

皇上乃出師兩路討之於乾隆二十年春抵其境其所
屬之台吉宰桑等相率迎降凡二月直抵伊犁擒

其酋達瓦齊伊犁平越月阿睦爾撒納叛大兵追
討之阿睦爾撒納奔哈薩克二十二年大兵分道
並進阿睦爾撒納自哈薩克來還博囉塔拉等處
與大兵遇復奔追及哈薩克哈薩克降阿睦爾撒
納遂奔俄羅斯而死其餘黨以次擒滅準噶爾全
境悉定其部舊稱四衛拉特曰綽羅斯部曰都爾
伯特部曰和碩特部曰土爾扈特部後土爾扈特
部西遷復以輝特部爲四衛拉特之一而綽羅斯
世爲之長其餘各部皆爲衆台吉其地有二十四

鄂拓克九集賽二十一昂吉鄂拓克爲其汗之屬
戶每一鄂拓克或千戶至數千戶不等各有宰桑
司之其供賦皆上之於汗集賽所出賦則以供應
喇嘛事務其昂吉爲各台吉之屬戶而仍統屬於
其汗自平定以後其地皆內屬

恭載

御製平定準噶爾告成太學碑文

遼矣山戎薰粥旃裘毳幕之人界以龍沙畜其驪奚
雖無恒業厥有分部蓋自元黃剖判萬物芸生東夷

西夷各依其地謬舉淳維未爲理據皇古莫紀其見
之書史者自周宣太原之伐秦政巨海之築莫不畏
其侵軼猾夏是虞自時厥後一二奮發之君慨然思
挫其鋒而納之宥然事不中機材不副用加以地遠
無定處故嘗勞衆費財十損一得搢紳之儒守和親
介冑之士言征伐征伐則民力竭和親則國威喪於
是有守在四夷羈縻不絕地不可耕民不可臣之言
興矣然此以論漢唐宋明之中夏而非謂我

皇清之中夏也

皇清荷

天之龍興東海撫華區有元之裔久屬版章歲朝貢從征
狩執役惟謹準噶爾厄魯特者本有元之臣僕叛出
據西海終明世爲邊患至噶爾丹而稍強吞噬鄰蕃
闌入北塞我

皇祖三臨朔漠用大破其師元惡伏冥誅脅從遠遯跡毋
俾遺種於我喀爾喀厥姪策妄阿拉布坦收其遺孽
僅保伊犁故嘗索俘取地無敢不共逮夫部落滋聚
乃以計襲哈密入西藏準夷之勢於是而復張

兩朝命將問罪雖屢獲捷而庚戌之役逆子噶爾丹策凌
能用其父舊人乘我師怠掠畜於巴里坤擣營於和
卜多於是而準夷之勢大張然地旣險遠主客異焉
此勞往而無利彼亦如之故額爾德尼招之敗彼亦
以彼貪利而深入也

皇考謂我武旣揚不可以旣允其請和以息我衆予小子
敬奉

先志無越思焉旣而噶爾丹策凌死子策妄多爾濟那木
扎爾暴殘喇嘛達爾扎篡奪之達瓦齊又篡奪喇嘛

達爾扎而酗酒虐下尤甚焉癸酉冬都爾伯特台吉策凌等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且母令滋方來之患於我喀爾喀也於是議進兩路之師問彼罪魁安我新附凡運餉籌馱長行利戰之事悉備議之始熟經於庚戌之艱者咸懼蹈轍惟大學士忠勇公傅恒見與朕同而新附諸台吉則求之甚力朕謂犁庭掃穴卽不敢必然喀爾喀之地必不

可以久居苦而人毋寧用其鋒而觀厥成卽不如志亦非所悔也故凡禡旗命將之典概未舉行亦云偏師嘗試爲之耳塞上用兵必以秋而阿睦爾撒納禡木特請以春月欲乘彼馬未肥則不能遜朕謂其言良當遂從之北路以二月丙辰西路以二月己巳各起行哈密瀚海向無雨今春乃大雨咸以爲時雨之師入賊境凡所過之鄂拓克携羊酒糗糒迎恐後五月乙亥至伊犁亦如之達瓦齊於格登山麓結營以待兵近萬我兩將軍議以兵取則傷彼必衆彼衆皆

我衆多傷非所以體上慈也丁亥遣阿玉錫等二十五人夜斫營覘賊向賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎竄六月庚戌回人阿奇木霍集斯伯克執達瓦齊來獻軍門準噶爾平是役也定議不過二人籌事不過一年兵行不過五月無亡矢遺鏃之費大勲以集遐壤以定豈人力哉

天也然

天垂佑而授之事機設不奉行之以致坐失者多矣可與

樂成不可與謀始亦謂蚩蚩之衆云爾豈其卿大夫之謂既克集事則又曰苟知其易將勸爲之夫明於事後者必將昧於幾先朕用是寒心且準噶爾一小部落耳一二有能爲之長而其樹也固焉一之暴失德之長而其亡也忽焉朕用是知懼武成而勒碑文廟例也禮臣以爲請故據實事書之其辭曰
茫茫伊犁大幹之西匪今伊昔化外羈縻條支之東大宛以南隨畜獵獸蟻聚狼貪乃世其惡乃恃其遠或激我攻而乘我緩其計在斯其長可窮止戈靖邊

化日薰風不侵不距不來其那款關求市亦不禁詞
始慕希珍終居奇貨吏喜無事遷就斯悞漸不可長
我豈懼其豈如宋明和市之爲旣知其然飭我邊吏
弗縱弗嚴示之節制不仁之守再世斯斬篡奪相仍
飄忽荏苒夙沙革面煎鞏披忱集泮飛鴉食黠懷音
錫之爵位榮以華裾膝前面請願効前驅兵分兩路
雪甲霜鋒先導中堅如鼉錯攻益以後勁蒙古舊屬
八旗子弟其心允篤二月卜吉牙旗飄颻我騎斯騰
無待折膠泉涌於磧蕪茁於路我衆歡躍謂有天助

非啻我衆新附亦云黃髮未覩水草富春烏魯木齊
波羅塔拉台吉宰桑紛紛款納牽其肥羊及馬潼酒
獻其屠耆台掌雙手予有前諭所禁侵陵以茶交易
大愉衆情衆情旣愉來者日繼蠢達瓦齊擁兵自衛
依山據淖惟旦夕延有近萬人其心十千勇不日逃
掄二十五日阿玉錫率往賊所銜枚夜襲直入其郭
揮矛拍馬大聲疾呼彼人旣離我志斯合矣將無前
縱橫鞞鞞案角鹿埵隴種東籠自相狼籍孰敢櫻鋒
狐竄鼠逃將往異域回部遮之兇渠斯得露布旣至

告

廟受俘凡此歲功荷

天之衢在古周宣二年乙亥淮夷是平常武詩載越我
皇祖征噶爾丹命將禡旗亦乙亥年旣符歲德允協師貞
兵不血刃漠無王庭昔時準夷弗恭弗諱今隨師行
爲師候尉昔時準夷日戰夜征今也偃卧知樂人生
曰匪準夷曰我臣僕自今伊始安爾遊牧爾牧爾耕
爾長孫子曰無向非豈有今是

兩朝志竟億載基成側席不遑保泰持盈

御製準噶爾全部紀畧

自古無不誌外夷而實者少舛者多非以其方域所
限言語不通耶得什一於千百加以魚魯亥豕其堪
信者鮮矣茲者平定準部止封達瓦齊子一人居之
京都且城伊犁駐將軍鎮守事耕牧焉念彼原一大
部落不可無紀故就親詢實事書之亦以便方畧纂
敘也準噶爾四衛拉特者綽羅斯部都爾伯特部和
碩特部土爾扈特部是其輝特一部本附庸於都爾
伯特後土爾扈特竄歸俄羅斯故別輝特爲一部仍

稱四衛拉特云衛拉特明史稱為瓦刺其音頗近史
 所載脫歡太師蓋其始祖元亡而其疆臣分為三其
 渠曰馬哈木者即脫歡之父也脫歡者蒙古準語同
 為釜今準人語釜為海蘇而蒙古語則仍舊蓋準人
 自避其祖諱此亦一證也自脫歡逮孛汗其世次不
 可考孛汗背正妻與他婦野合而生子曰烏林台巴
 剌太師其母棄之澤中孛汗收養之遂統部落又十
 一世而傳至寶音諾顏哈喇忽喇是為策妄阿拉布
 坦之曾祖子曰巴圖魯渾台吉有子十一人五曰僧

格策妄之父六曰噶爾丹博碩克圖其餘無事無足
 稱長曰策臣次曰巴圖魯策臣與巴圖魯殺其弟僧
 格噶爾丹博碩克圖始自藏中回舊部反俗為汗於
 康熙年間犯塞戰敗走死先是噶爾丹博碩克圖既
 殺兄僧格之次子索諾木阿拉布坦僧格臣七人與
 策妄阿拉布坦同遠逃準語所謂多倫努庫爾者是
 多倫者漢語為七努庫爾者漢語為友蓋其患難相
 共所謂世臣並赦其子孫七死云及噶爾丹為我兵
 敗策妄如還和博克薩里收其父舊屬及噶爾丹餘

衆復成部落并縛噶爾丹子獻闕下遂自據汗位子
 噶爾丹策凌噶爾丹策凌子策妄多爾濟那木扎爾
 其庶兄喇嘛達爾扎執而篡之達瓦齊復因阿睦爾
 撒納之計算奪其位達瓦齊者巴圖魯渾台吉之第
 七子布木之子大策零敦多卜之孫於策妄爲再從
 姪孫其小策零敦多卜則策妄之祖巴圖魯渾台吉
 之弟默爾根代青之曾孫其去策妄世派蓋已遠矣
 先是康熙年間噶爾丹博碩克圖拘繫和碩特車臣
 汗收所屬人衆併入準噶爾鄂托克其時有和碩特

之拉藏汗者居唐古忒地卽顧實汗之裔也子二
 人一名丹衷一名索爾扎丹衷由唐古忒仍回至厄
 魯特娶策妄阿拉布坦之女博托洛克爲妻從策妄
 阿拉布坦知其學習哈拉爾查達術卽巫蠱事也以兩金
 夾丹衷身烙死遂令大策零敦多卜領兵六千襲西
 藏擒殺拉藏并擄伊子索爾扎我

聖祖仁皇帝勅諭策妄阿拉布坦不得繹騷唐古忒地並

發大兵進剿於是大策零敦多卜携索爾扎逃回厄
 魯特藏地復平迨雍正年間策妄阿拉布坦死子噶

爾丹策凌欲與唐古忒和好給索爾扎戶十資養並以博托洛克與韋徵和碩齊爲妻其在丹衷處所生子班珠爾給戶五資養彼時博托洛克復有孕未產適韋徵和碩齊後乃生一子是曰阿睦爾撒納故阿睦爾撒納雖爲輝特台吉實與班珠爾皆丹衷之子噶爾丹策凌死策妄多爾齊那木扎爾恐索爾扎之子納哈查逃往唐古忒將伊禁錮至達瓦齊篡立始將納哈查釋放又和碩特羅卜藏車凌者娶策妄阿拉布坦之女達什色布騰爲妻噶爾丹策凌時固羅

卜藏車凌率領伊屬萬戶欲往土爾扈特遂遣兵擒獲羅卜藏車凌囚之以其妻給韋徵和碩齊一子交烏魯特鄂拓克宰桑伍巴什安置至青海居住之羅卜藏丹津於策妄阿拉布坦時逃至準噶爾策妄阿拉布坦死後羅卜藏車凌羅卜藏丹津二人謀殺噶爾丹策凌嗣因羅卜藏丹津被拘羅卜藏車凌恐亦被囚遂逃往土爾扈特故雍正年間我

世宗憲皇帝索羅卜藏丹津噶爾丹策凌稱已縛送至中途聞進兵而止者非詐也蓋彼業經拘繫之囚故不

靳固而且欲以為奇貨也噶爾丹策凌於五年死策
 妄多爾濟那木扎爾年幼其姊鄂蘭巴雅爾同母出
 也每以善言相勸禁其淫亂策妄多爾濟那木扎爾
 年既長遂不受其禁制並聽讒言謂其姊欲效俄羅
 斯自立為扣肯汗扣肯汗者女人掌國事也遂將鄂蘭巴雅爾拘
 繫並殺戮多宰桑其後屠狗盜妻之事無所不為益
 無忌憚鄂蘭巴雅爾之夫薩音伯勒克遂同噶爾丹
 策凌庶子喇嘛達爾扎攻執策妄多爾濟那木扎爾
 喇嘛達爾扎遂篡汗位有噶爾丹策凌幼子策旺達

什者阿睦爾撒納班珠爾欲誘出策旺達什立為汗

後被喇嘛達爾扎知覺遂殺策旺達什阿睦爾撒納

班珠爾二人怨思達瓦齊云喇嘛達爾扎既將與爾

同仇之達什達瓦

小策零敦之子

殺戮恐禍將及爾於是

達瓦齊阿睦爾撒納班珠爾三人同逃哈薩克至申

年達瓦齊阿睦爾撒納班珠爾復回舊游牧處阿睦

爾撒納遂殺其兄沙克都喇據其眾復與伊犁喇嘛

等合謀殺害喇嘛達爾扎立達瓦齊為汗其次即阿

睦爾撒納用事二人仍屬親厚有達什達瓦姪納默

皇朝文獻通考 卷三百六十四
庫濟爾噶爾者欲與達瓦齊分領準噶爾猝領兵一
萬至伊犁與達瓦齊戰達瓦齊敗至舊游牧額米爾
處與阿睦爾撒納會因阿睦爾撒納計誘執納默庫
濟爾噶爾誅之準噶爾衆仍立達瓦齊爲汗達瓦齊
聽伊犁衆宰桑言與阿睦爾撒納生隙阿睦爾撒納
本垂涎汗位旣失望遂與班珠爾納哈查及都爾伯
特納默庫等會同哈薩克將額米爾一帶住牧者肆
行擄掠且耕種額爾齊斯爲自固計達瓦齊凡三遣
兵剿阿睦爾撒納皆不克其後自領兵三萬至阿睦

爾撒納游牧之額爾齊斯蹙之阿睦爾撒納勢不敵
始投誠來歸此準噶爾始終構亂所由也至準噶爾
鄂拓克昂吉之名各異者鄂拓克爲其汗之部屬昂
吉爲各台吉之戶下舊鄂拓克凡十有二烏魯特有
四宰桑人五十戶爲一鄂拓克喀拉沁有一宰桑人
五千戶爲一鄂拓克額爾克騰有一宰桑人五千戶
爲一鄂拓克克里野特有二宰桑人六千戶爲一鄂
拓克卓托魯克有一宰桑人三千戶爲一鄂拓克布
庫斯有一宰桑人三千戶爲一鄂拓克阿巴噶斯哈

丹各有一宰桑共人四千戶爲一鄂拓克鄂畢特有
一宰桑人三千戶爲一鄂拓克羅岱有二宰桑人三
千戶爲一鄂拓克多果魯特有一宰桑人四千戶爲
一鄂拓克霍爾博斯有一宰桑人三千戶爲一鄂拓
克綽和爾有一宰桑人三千戶爲一鄂拓克其後復
立鄂拓克十有二巴爾達木特有三宰桑人四千戶
爲一鄂拓克庫圖齊納爾有五宰桑人四千戶爲一
鄂拓克噶爾雜特有三宰桑人四千戶爲一鄂拓克
沙拉斯有二宰桑人三千戶爲一鄂拓克嗎唬斯有

一宰桑人五千戶爲一鄂拓克布庫努特有一宰桑
人二千戶圖古特有一宰桑人五百戶爲一鄂拓克
烏拉特有一宰桑人三千戶爲一鄂拓克阿爾蘭沁
有一宰桑人五百戶爲一鄂拓克扎哈沁有三宰桑
人二千戶包沁有三宰桑人一千戶爲一鄂拓克奇
爾吉斯有四宰桑人四千戶爲一鄂拓克特楞古特
有四宰桑人四千戶鄂爾楚克有一宰桑人五百戶
烏爾罕濟蘭有一宰桑人八百戶爲一鄂拓克喇阿
特有一宰桑人三千戶爲一鄂拓克鄂拓克之外復

有五集賽阿克把集賽有二宰桑人四千戶賽嗎里
木集賽杜爾把集賽推素隆集賽伊克胡拉爾集賽
各有一宰桑人各一千戶其後復立集賽四温都遜
集賽善披領集賽各有十宰桑人各二千戶桑堆集
賽品陳集賽各有一宰桑人各三百戶此九集賽辦
理喇嘛一切事務喇嘛有六千餘準噶爾共六千二
宰桑二十四鄂拓克一切供賦俱其汗公物其外復
取烏梁海及葉爾羌喀什噶爾阿克蘇和闐四城回
人租入其二十一昂吉為各台吉所有而統屬於準

噶爾之汗昂吉者準語分支之謂也綽羅斯部之達
瓦齊一昂吉達什達瓦一昂吉多爾濟丹巴一昂吉
噶爾藏多爾齊一昂吉訥默庫濟爾噶爾一昂吉鄂
齊爾伍巴什一昂吉都爾伯特之策凌一昂吉達什
一昂吉伯什阿哈什一昂吉和碩特之沙克多爾曼
濟一昂吉輝特之塔爾巴哈沁薩音伯勒克一昂吉
和通額默根一昂吉多羅特舍楞一昂吉敦多克一
昂吉葉克明安巴雅爾一昂吉車凌班珠爾一昂吉
巴圖爾額默根一昂吉察汗圖克阿睦爾撒納一昂

吉博洛果特台吉諾海奇齊克一昂吉土爾扈特台
 吉巴圖爾伍巴什一昂吉吞都布一昂吉共二十一
 向於西師詩稱二十一昂吉為其汗公屬者蓋考之
 而未詳茲始詳詢縷細如右然各台吉雖分領其昂
 吉凡出師執役無不聽其汗之令則初所譯者亦未
 為大差也統計其汗之二十四鄂拓克九集賽及各
 台吉之二十一昂吉得二十餘萬戶六千餘萬口成
 一部落者百十餘年語云十人成之而不足一人敗
 之而有餘吾於紀準噶爾之事益見其不爽賈生所

謂仁義不施而攻守之勢異雖夷狄之有君豈能外
 是道哉

烏魯木齊各路全境東至烏蘭烏蘇接巴爾庫勒
 其東南踰山接闡展界西至博囉塔拉其西南接
 伊犁界南至天山踰山接哈喇沙爾界北至雅爾
 界自烏魯木齊城至

京師九千八百九十里漢時為蒲類後國其東北境
 兼為烏貪訶離國少東為單桓國又東為車師後
 王國地西境兼為烏孫國地北魏時為高車蠕蠕

三國所據後周時入於突厥唐時爲西突厥地與東突厥相接貞觀時旣破高昌西突厥泥伏沙鉢羅諸部內附以其地爲庭州領金滿蒲類輪臺三縣後置北庭大都護府於此又以沙陀突厥處月部地遙置爲金滿州都督府以胡祿屋闕部與處密部地遙置爲鹽泊都督府以攝舍提墩部地遙置爲雙河都督府並隸於北庭大都護府今烏嚕木齊本城及迤西之昌吉羅克倫地方爲蒲類縣後改爲後庭縣地自烏嚕木齊城東境爲金滿縣

兼爲金滿州都督府地其南則爲輪臺縣接天山南路界自烏嚕木齊城西境瑪納斯左右地方爲鹽泊都督府地又西至博囉塔拉左右地方爲雙河都督府地至貞元時俱廢宋時爲高昌國北庭元時稱回鶻五城明時爲衛拉特地舊爲準噶爾各鄂拓克集賽及各台吉游牧處乾隆二十年大兵平準噶爾地皆內屬其烏嚕木齊城本境山環水繞土脈膏腴爲西域要地駐辦事大臣協辦大臣及提督等官管轄無定員並設同知通判等員

分理屯田各事務乾隆二十八年同職設員

賜城名曰迪化城

烏嚕木齊東路地

古木地 在烏嚕木齊城東北乾隆二十七年建城

外阿爾塔齊河之東西有新舊二屯共建堡六

日樂全堡 賜名曰惠徠堡日慶豐堡日宣仁堡日懷義堡

特訥格爾 在烏嚕木齊城東北二百里漢時為車

陀笑厥處月部遙置為金滿州都督府並為金滿

遂成堡日豐潤堡日綏來堡

賽音塔拉 在特訥格爾東六十里漢時為單
庫哩頁圖 在賽音塔拉東六十里自此而東皆漢
地 時車師後王國地唐時亦為金滿縣故

納里特 在庫哩頁圖東二十里

博什特勒克 在納里特東一百二十里

得勒呼蘇台 在博什特勒克東五十里

都爾伯勒津 在博什特勒克東六十里

鄂布當托來 在都爾伯勒津南四十里

托博綽克 在鄂布當托來東一百里

穆壘 在托博綽克東
一百八十里

伊勒巴爾和碩 在穆壘北
五十里

阿克塔斯 在伊勒巴爾和
碩東五十里

烏里雅蘇台 在阿克塔斯
西南四十里

烏蘭烏蘇 在烏里雅蘇台東二十里舊為
準噶爾東境接巴爾庫勒西界

烏嚕木齊西路地

昌吉 在烏嚕木齊城西八十里乾隆二
十七年建城一 賜名寧邊城

羅克倫 在昌吉西二十里自烏嚕木齊城西至此
其附近地方皆漢時蒲類後國地唐時為

蒲類縣
故也

呼圖必 在羅克倫西一百里乾隆二十
九年建城一 賜名誠和城

揚巴勒噶遜 在呼圖必
西五十里

瑪納斯 在揚巴勒噶遜西一百九十里自揚巴勒
噶遜至此其附近地方皆漢時烏孫國東
境唐時為西突厥胡祿屋闕部與處密部雜居遙
置為鹽泊都督府地乾隆二十八年建堡一
賜名綏來堡

巴克呼蘇 在瑪納斯
西四十里

和爾郭斯 在巴克呼蘇
西七十里

博羅特克圖魯庫 在和爾郭斯
西二十里

安濟海 在博羅特克圖魯庫
西南一百七十里

奎屯 在安濟海西四十里

庫爾喀喇烏蘇 在奎屯西四十里乾隆二十八年建堡一賜名遂成堡

布拉噶齊 在庫爾喀喇烏蘇西八十里

郭爾圖 在布托噶齊西五十里

托多克 在郭爾圖西六十里

噶順 在托多克西七十里

烏里雅蘇台 在噶順西七十里

鄂壘扎拉圖 在烏里雅蘇台之西

晶 在烏里雅蘇台西三十里乾隆二十八年建堡一賜名豐潤堡

托里 在晶西五十里

察罕拜牲 在托里西五十里

博囉塔拉 在托里西北一百八十里其地東西三百餘里南北百餘里水甘土肥形勢尤

勝為烏魯木齊西北要地自布拉噶齊至此皆漢時烏孫國地唐時為西突厥攝舍提墩部遙置為雙河都督府地自此而西南接伊犁界

以上為烏魯木齊屬地

雅爾各路全境東至額爾齊斯其東北踰阿勒坦

山接喀爾喀界西至齋爾其西北通哈薩克界南

至哲克得里克踰沙磧接烏魯木齊北境界北至

皇朝文獻通考 卷二百八十四
塔爾巴哈台其境外通俄羅斯界自雅爾城至
京師一萬四百里漢時爲匈奴右地三國時爲鮮卑
右部北魏時爲高車國後爲蠕蠕所併後周時入
於突厥唐時爲突厥三葛邏祿部地一曰謀落部
二曰熾俟部三曰踏實力部當東西突厥之間唐
以謀落部遥置爲陰山都督府以熾俟部遥置爲
大漠都督府以踏實力部遥置爲元池都督府後
又析熾俟部增置金附州都督府其三葛邏祿又
與處木昆部雜居別置匐延都督府其東境兼爲

突厥阿史那氏地後賀魯居之唐遥置爲瑤池都
督府尋以賀魯叛亡廢瑤池都督府復以沙陀突
厥處月部地遥置沙陀金滿二州都督府以賀魯
故地屬之尋復置崑陵都護府以統沙陀金滿二
州而於賀魯故地別置濛池都護府與崑陵南北
分領諸部仍並隸於北庭大都護府今雅爾本城
及左右地方爲葛邏祿三都督府全境自雅爾城
北境愛呼斯左右地方爲匐延都督府地自雅爾
城東南境哲克得里克左右地方爲沙陀州都督

府地其南則為金滿州接烏魯木齊界其東境額爾齊斯左右地方初為瑤池都督府後為濛池都護府地貞元時俱廢宋以後無可考見明時為衛拉特地舊為準噶爾各鄂拓克集賽及各台吉游牧處乾隆二十年大兵平準噶爾地皆內屬其雅爾城本境控制外藩環衛山北為西域要地駐辦事大臣及領隊大臣等官管轄無定員乾隆二十一年建城

雅爾自南路至東路地

納林和博克 在雅爾城東南

哲克得里克 在納林和博克東南八十里又東南臨近沙磧漢時為匈奴右地南境唐

時為沙陀突厥處月部遥置為沙陀州都督府地是為雅爾之南境踰山接烏魯木齊界

格爾額爾格 在納林和博克東十五里

克特和博克 在納林和博克東南二十里

烘郭爾鄂隴 在克特和博克東十五里

什巴爾圖 在克特和博克東北一百二十里

烏爾圖 在什巴爾圖東北二十里

薩里 在烏爾圖東北六十里自此而東南入沙磧
自格爾額爾格至此皆漢時匈奴右地唐時
為葛羅祿三都督府地

青吉勒 自薩里東南踰沙磧至此
接烏魯木齊之東北界

拜達克 在青吉勒南六十里

和通鄂博 在青吉勒東一百里

烏頁齊 在和通鄂博東六十里

布敦齊 在烏頁齊東一百二十里

額爾齊斯 在青吉勒東北喻山一百里其地東西
七百里南北三百里形勢寬廣宜於畜
牧為雅爾東境要地其東接阿勒坦山界自青吉
勒至此皆漢時匈奴右地唐時為突厥之多邏斯

川地阿史那氏步真居之後賀魯代居其地賀魯
內屬遙置為瑤池都督府尋廢又置為濛池都護
府地其後回鶻薛延陀諸部皆迭居於此舊為準
噶爾都爾伯特部游牧處乾隆十九年都爾伯特
台吉策凌及策凌烏巴什策凌孟克等率所
屬來降於喀爾喀境內之烏蘭固木地方

雅爾自北路至東路地

額默爾 在雅爾城東北

愛呼斯 在額默爾西北五十里自額默爾至此皆
漢時匈奴右地唐時為西突厥處木昆部
遙置為匭延都督府地

塔爾巴哈台 在愛呼斯東北七十里地處邊裔形
勢尤要漢時為匈奴右地唐時為葛

邏祿三都督府後又分熾俟部遙置為
金附州都督府地是為雅爾之北境

裕勒雅爾 在塔爾巴哈台西南境

奇爾噶遜齊布哈達遜 在塔爾巴哈台東南境

察罕呼濟爾 在奇爾噶遜齊布哈達遜東南境

烏蘭呼濟爾 在察罕呼濟爾東北境西距塔爾巴哈台一百里自此而南入沙磧

雅爾西南路地

納木 在雅爾城南

穆呼勒岱鄂多特 在納木西四十里

達爾達木圖 在穆呼勒岱鄂多特西二十里

蘇海圖 在達爾達木圖西二十里

摩多圖布古圖 在蘇海圖西南二十里

尼楚亥布古圖 在摩多圖布古圖西五十里

伊奇爾 在尼楚亥布古圖西四十里

布爾噶蘇台 在伊奇爾西四十里

察拉垓 在布爾噶蘇台西三十里

綽爾 在察拉垓西四十里

齊爾 在綽爾東北五十里自納木至此為漢時匈奴右地西境亦唐時葛邏祿三都督府地自此而南接烏嚕木齊西路界

以上為雅爾屬地

伊犁各路全境東至登努勒台接烏嚕木齊南界西至塔拉斯通布嚕特界南至天山踰山接回部諸城界北踰巴爾噶什淖爾至沙磧其西北通右部哈薩克東北通左部哈薩克界自伊犁城至京師一萬有八百二十里漢時爲烏孫國地北魏時爲悅般國尋爲蠕蠕所併後周時入於突厥唐爲西突厥地其射匱可汗建庭處卽今之伊犁城其後沙鉢羅唃利失可汗與乙毗咄陸可汗又兩分其地以河爲界約諸部自河以東受令於唃利失

自河以西受令於咄陸今自哈討至圖古哩克爲唐時唃利失所轄西盡境自奎屯至古爾班薩里爲唐時咄陸所轄東盡境自賀魯破滅地爲別部突騎施烏質勒所有建大牙於碎葉川建小牙於伊犁其後唐以突騎施索葛莫賀部遙置爲溫鹿州都督府以突騎施阿利施部遙置爲絜山都督府又以突厥鼠尼施處半部遙置爲鷹娑都督府今伊犁本城及附近東境爲溫鹿州都督府地伊犁西北境沿河下流自哈討至古爾班薩里爲絜

皇朝文獻通考 卷二百八十四
山都督府地伊犁東南境之裕勒都斯左右地方
為鷹娑都督府地貞元時俱廢宋時無可考見元
時為阿勒穆爾地明時為衛拉特地舊為準噶爾
各鄂拓克及各台吉游牧處其伊犁城本境山水
形勝甲於諸部為西域一大都會舊為準噶爾建
庭之所乾隆二十年大兵進討準噶爾其部眾皆
迎降擒其酋達瓦齊伊犁平其後阿睦爾撒納煽
亂於二十二年復討平之其地皆內屬設總統將
軍總理天山南北全境並駐叅贊大臣領隊大臣

等官協同管轄無定員兼設同知等員分理屯田
各事務

御製平定準噶爾勒銘伊犁碑文

惟

天盡所覆俾我皇清罔不在宥惟清奉

昊天撫薄海兆庶悉主悉臣

太祖

太宗

世祖肇基宅中皇者其武

聖祖

世宗觀光揚烈克臻邳隆逮予藐躬思日孜孜期四海同

風咨汝準噶爾叶亦蒙古同類何自外携數世梗化

篡奪相仍碩仇其下厥達瓦齊甚毒於醒衆心痲痲

如苗斯蠱如虺斯螫衆口嗷嗷視爾嗷止予焦勞止

期救不崇朝止視爾底止予噫嘻止亟出汝塗泥止

迺命新附爾爲先鋒熟悉其路迺命勁旅携數月糧

毋或掠擄師行時雨王旅噉噉亦無滌阻左旋右抽

王旅渾渾旣暇以休烏嚕木齊及五集賽度之折折

台吉宰桑迎降恐後奚事弁吭波羅塔拉闡爾奇領

險如關闔倒戈反攻達瓦齊走旦夕塗窮回部遮獲

彼鼠斯喙地入無隙露布飛至受俘午門爰貸其罪

自今以始四部我臣伊犁我宇叶曰綽羅斯及都爾

伯特和碩特輝特封四可汗衆建王公游牧各安宰

桑公臣屬我旗籍誰汝苦辛爾恭爾長爾孳爾勿徐

以教養爾駝爾牛爾羊爾馬畜牧優游分疆各守毋

相侵凌以干大咎齊禦外域曰布魯特越哈薩克醉

飲飽食敬興黃教福自天錫伊犁平叶矣勒貞珉叶

矣於萬斯年矣
御製平定準噶爾後勒銘伊犁碑文

天之所培者人雖傾之不可殛也

天之所覆者人雖裁之不可殛也

延以世而爲賊也強食弱衆凌寡血人於牙而蔑知

悛易也云興黃教敬佛菩薩其心乃如夜叉羅刹之

以人爲食也故罪深惡極自作之孽難追活也先是

分封四部衆建宰桑四圖什墨廿一昂吉蓋欲繼絕

舉廢以休以息也而何煽亂不已焦爛爲期終於淪

亡胥盡伊犁表延萬里寂如無人之域也是非我佳

兵不戢以殺爲德也有弗得已耳西師之什實紀其

詳悉也以其反覆無常遲益久而害益深則其叛亂

之速未嘗非因禍而致福也是蓋

天佑我皇清究非人力也伊犁旣歸版章久安善後之圖

要焉已定者豈宜復失也然屯種萬里之外又未可

謂計之得也其默移潛運惟

上蒼鑒之予惟奉時相機今日之下亦不敢料以逆也是

平定準噶爾後勒銘伊犁之碑所由作也

伊犁東北路地

海努克 在伊犁城東乾隆二十七年建堡一

固爾扎 在伊犁河北岸乾隆二十七年建城一賜名安遠城

烏哈爾里克 在伊犁河北岸乾隆二十七年建城一賜名綏定城

塔哩奇 在伊犁河北岸乾隆二十七年建城一

阿里瑪圖 在伊犁東北五十里

烏爾圖固爾畢 在阿里瑪圖東北九十里

博囉布爾噶蘇 在烏爾圖固爾畢東北六十里自海努克至此唐時皆為西突厥突

騎施部遺置為烏嚕木齊西界地其東北接為烏嚕木齊西界

伊犁東南路地

都爾伯勒津 在伊犁東一百二十里

崆吉斯 在都爾伯勒津東南三百二十里形勢寬廣宜於耕牧為伊犁東南最要地自都爾

伯勒津至此唐時亦為西突厥突騎施部東境遙置為溫鹿州都督府也

喀什 在崆吉斯之北形勢與崆吉斯相連屬為伊犁東最近要地

珠勒都斯 在崆吉斯東南二百里其地東西六百里南北二百里山水圍抱形勢尤勝為

伊犁東南要地自珠勒都斯左右地方唐時皆為突厥鼠尼施處半部遙置為鷹娑都督府地

哈布齊垓 在珠勒都斯東一百八十里

登努勒台 在哈布齊垓之東北近天山南麓自此而東接烏嚕木齊界其東南踰天山通

關展界

伊犁西北路地

哈討 在伊犁河北岸

摩垓圖 在哈討北一百里

哲克得 在摩垓圖北八十里

雅木里克 在哲克得西北六十里

徹臣哈喇 在雅木里克西北五十里

哈喇塔拉 在徹臣哈喇之西

達朗呼都克 在哈喇塔拉之西

托博隴 在達朗呼都克之西

庫克車勒 在托博隴之西

圖古哩克 在庫克車勒之西自哈討至此皆在伊犁河下流之北巴爾噶什淖爾之南唐時為西突厥咄利失可汗分界處後為突騎施部所有唐遙置為黎山都督府地自此而北為巴爾噶什淖爾其西北通哈薩克界

奎屯 自圖古哩克折而南當伊犁河南界

庫爾圖 在奎屯東二十里

古爾班阿里瑪圖 在庫爾圖東二十里

塔拉噶爾 在古爾班阿里瑪圖東四十里

圖爾根 在塔拉噶爾 東二十里

古爾班察畢達爾 在圖爾根 東三十里

古爾班沙集垓 在古爾班察畢 達爾東三十里

塔拉錫克 在古爾班沙集 垓南四十里

沙塔圖 在塔拉錫克 南六十里

庫爾木圖 在沙塔圖 西三十里

古爾班呼蘇台 在庫爾木圖 西三十里

古爾班薩里 在古爾班呼蘇台西三十里自奎屯 至此皆在伊犁河下流之南圖斯庫 勒之北唐時為西突厥咄陸可汗分界處後為突 騎施部所有唐遙置為絜山都督府地自此而北

接圖斯 庫勒界

伊犁西路地

庫納薩爾 在伊犁西南 一百六十里

烏蘭哈勒噶 在庫納薩爾 西二百里

濟爾噶朗 在烏蘭哈勒 噶南十里

圖爾根察 在濟爾噶 朗之西南

古爾班哲爾格斯 在圖爾根 察之西

阿爾什圖 在古爾班哲 爾格斯之西

特布克 在阿爾什 圖之西

頁特庫斯 在特布克之西自圖爾根察至此為圖斯庫勒東南岸

招哈 在頁特庫斯西四十里

古爾班伊勒噶齊 在招哈西三十里

巴勒亥 在古爾班伊勒噶齊西二十里

塔瑪噶 在巴勒亥西二十里

托薩爾 在塔瑪噶西十五里

通 在托薩爾西十五里

阿克賽 在通西二十里

烘郭爾鄂隴 在阿克賽西二十里自招哈至此為圖斯庫勒南岸

什巴爾圖和碩 在濟爾噶朗之西北為圖斯庫勒東北岸

哈喇諾海 在什巴爾圖和碩西五十里

推托墨克 在哈喇諾海西一百里

察巴噶圖 在推托墨克西三十里

和約爾察罕烏蘇 在察巴噶圖西三十里

古爾班克敏 在和約爾察罕烏蘇西八十里自哈喇諾海至此為圖斯庫勒北岸

和什噶爾 在圖斯庫勒西岸

裕勒阿里克 在圖斯庫勒西岸自庫納薩爾至此皆環圖斯庫勒四境唐時為突厥之

碎葉川地突騎施烏質勒移建大牙於此其後別部蘇祿復居其地

吹 在圖斯庫勒西北二百里自此沿吹河西北行五百餘里統名曰吹

薩勒濟圖 在吹河南岸

沙穆什 在薩勒濟圖西二十里

格格圖布拉納 在沙穆什西三十里

阿什圖 在格格圖布拉納西北二十里

達布蘇圖 在阿什圖西三十里

阿爾察圖 在達布蘇圖西三十里

伊蘭巴什 在阿爾察圖西南五十里

庫努克薩爾 在伊蘭巴什西四十里

索郭魯克 在庫努克薩爾西三十里

哈喇巴爾圖 在索郭魯克西三十里

古爾班哈納圖 在哈喇巴爾圖西三十里

阿什布里 在古爾班哈納圖西五十里

和爾亥 在吹河下流地方自薩勒濟圖至此皆在圖斯庫勒之西北境沿吹河南岸唐時為

突厥之干里細葉川異姓突厥居之其西踰沙磧通哈薩克界

英阿爾 在圖斯庫勒南二百餘里

博得里克 在英阿爾西南一百里

額得墨克 在博得里克西一百里為塔拉斯河上流發源之處唐時為突厥弩矢畢部地

皇朝文獻通考 卷二百八十四
塔拉斯 在額得墨克之西為塔拉斯河下流左右之地唐時為突厥之干泉突厥統葉護可汗建庭於此

烏魯穆瑪拉爾 在塔拉斯河上流西一百里

特穆爾哈巴哈納 在烏魯穆瑪拉爾西一百里

薩爾巴哈什 在特穆爾哈巴哈納西南二百里自境其西北通哈薩克界

南踰山通布魯特界

以上為伊犁屬地

皇朝文獻通考卷二百八十四

皇朝文獻通考卷二百八十五

輿地考 十七

西域

天山南路

臣等謹按兩漢西域傳於城郭諸國皆備述其風

土之異而獨未詳回教所自始唐時于闐國滅莎

車服疏勒於山南諸國中為最大唐書謂其俗重

佛法王尤信尚設齋日必親自灑掃饋食石晉高

居誨使于闐記謂其喜鬼神而好佛已近於今之

回教矣後之言回回者或以爲卽唐之回鶻然回鶻種落雖繁其散處多在天山以北隋時回鶻尙名鐵勒而回回國人已云傳教中國遼元二史回鶻回回亦兩國並見則其族類之異可知明史西域傳稱天方於西域爲大國回回之祖曰馬哈木者首於此地行教又稱默德那爲回回祖國地近天方相傳其國王謨罕慕德生而神靈盡服西域諸國隋開皇中始傳其教迄元世其人徧於四方皆守教不替所謂謨罕慕德卽排罕帕爾音之訛

也今之葉爾羌喀什噶爾諸城在唐時皆爲于闐屬地雖未卽爲回回祖國要其服習回教固已久矣夫回部居天山之陽四境廣遠向以受制準夷未通中土自茲于闐

王師底定以後設官經野制度一新視內地之雄州繁縣犬牙相錯者不啻焉至其百產充盈民物殷庶撈玉和闐之水採銅烏什之城其土宜足以備貢賦之入其編戶足以習耕屯之利加以山川形勝秀甲金方尋沕澤之河源辨崑岡之地脈從古

地志以爲荒邈難稽者莫不部居州次列在圖經
睿覽親裁徵信萬古彼張騫鑿空之迹甘英窮海之言
傳聞異詞名實失據祇等於管闕雖指又何足語
於覆載之大哉

天山南路漢時爲西域三十六國地其最著者爲
車師焉耆龜茲于闐疏勒莎車諸國皆在匈奴之
西烏孫之南其東接漢玉門陽關西限蔥嶺自兩
關出西域由車師前王庭傍北山西行至疏勒爲
北道由鄯善傍南山西行至莎車爲南道並通於

孝武時至昭帝時始開屯田於輪臺渠犁宣帝時
置西域都護總護南北二道治烏壘城元帝時置
戊巳校尉屯田車師前王庭哀平間漸析爲五十
餘國至王莽時四境擾亂西域與中國遂絕往附
於匈奴後漢永平間乃更通焉仍置都護與校尉
自章和至於延光又經再絕而復通漢末迄晉中
原多故而諸國亦自相分併後魏太武時貢獻者
十有六國隋大業中引致諸番來朝者三十餘國
因置西戎校尉以應接之唐興西突厥強盛諸國

皇朝文獻通考 卷二百八十五
三
多爲所役服太宗時平高昌開置西州設安西大都護府其諸國之通朝貢者則遙置爲都督府有疏勒都督府焉者都督府貞觀之末復討降龜茲以龜茲疏勒于闐碎葉號四鎮徙安西都護治龜茲城以統之顯慶時又置龜茲都督府咸亨初爲吐蕃所殘安西四鎮並廢上元初于闐國王入朝以其地置毗沙都督府長壽元年擊破吐蕃始復四鎮仍置安西都護府於龜茲開元中以焉耆與龜茲疏勒于闐爲四鎮天寶初又置安西節度使

治安西都護府安史之亂其地漸次沒於吐蕃逮貞元時安西與北庭府俱陷不能再復五季迭興惟晉天福時于闐國會遣使一至宋有天下西域爲夏人所隔若回鶻高昌龜茲于闐等國貢使偶通聲教不訖南渡後益濶絕焉元時以諸王駝馬分長各部凡前代國名始盡易以蒙古語此爲巴什伯里部地至元二十一年置宣慰司二十三年置元帥府其所屬有合失合兒鴉兒看諸城卽今之喀什噶爾葉爾羌也明洪武永樂時巴什伯里

部入貢後稍西遷改爲伊力把里此爲哈實哈兒
葉爾欽諸城地其東兼爲柳城火州吐魯蕃諸地
其俗習尙回教亦稱回回國置官總領二十三年
國初順治二年有回回天方國來貢其後準噶爾漸
強遂服屬之輸其賦稅至康熙二十一年間其酋
長阿卜都里什特父子爲噶爾丹所執拘留帳下
迨三十五年大兵旣破噶爾丹阿卜都里什特脫
身來降朝於
太和殿錫以衣冠銀幣遣官護送至哈密俾返故地

至波羅泥都霍集占兩和卓木復爲準噶爾所執
執拘於阿巴噶斯地方乾隆二十二年我師旣定伊
非犁始釋其囚以兵送波羅泥都歸葉爾羌而令霍
集占統回衆之在伊犁者旣而兩和卓木黨附叛
賊戕害使臣

皇上乃命伊犁凱旋之師討之所過諸城皆望風降直
抵葉爾羌城下以馬力弗及猝爲所遮相拒者累
月及新調兵至全軍而出還至阿克蘇於二十四
年整兵再進兩和卓木俱先期遁其喀什噶爾葉

爾羌回衆等以城降我師追逆回屢敗之殲其衆

殆盡兩和卓木竄至拔達克山尋即授首回部全

境悉定

恭載

御製平定回部告成太學碑文

建非常之功者以舉非常之事舉非常之事者以藉

非常之人然亦有不藉非常之人而舉非常之事終

建非常之功者則賴

昊蒼篤貺神運幹旋事若禍而移福機似逆而轉順順

天者昌逆

天者亡故犁準夷之庭掃回部之穴五年之間兩勳並集

始遲疑猶未敢信終劼劼以底有成荷

天之寵在茲畏

天之鑒益在茲爰敘其事如左達瓦齊之就俘也伊犁已

大定矣無何而阿睦爾撒納叛彼其志本欲藉我力

以成已事時也人心未定佐饗者嘗一域肆狂萬狙

應響蜂屯蟻雜不可爬梳畏難者羣謂不出所料準

夷終不可取並有欲棄巴里坤爲退守謀然子計其

皇朝文獻通考 卷三百八十五 六
衆志不齊將有歸正倒戈者於是督策將帥之臣整
師亟進旣而伊犁諸台吉宰桑果悔過勤王思討逆
賊以自贖此

天恩助順者一也二酋大小和卓木者以回部望族久爲
準噶爾所拘於阿巴噶斯鄂拓者也我師旣定伊犁
乃釋其囚以兵送大和卓木波羅泥都歸葉爾奇木
俾統其舊屬而令小和卓木霍集占居於伊犁撫其
在伊犁衆回乃小和卓木助阿逆攻勤王之台吉宰
桑等阿逆賴以苟延及我師再入阿逆遂逃入哈薩

克而霍集占亦卽收其餘衆竄歸舊穴此

天恩助順者二也準夷之事前紀畧見梗概茲不復紀紀
興師討徇之由則以我將軍兆惠在伊犁時曾遣副
都統阿敏道往徇議事小和卓木乃以計誘阿敏道
而拘之及我師抵庫車問罪彼攜阿敏道以來援至
中途害之及從行者百人彼猶逞其狂勃抗我師顏
且敢冒死入庫車城乃雅爾哈善畧無紀律致彼出
入自由然我滿洲索倫衆兵士無不念國家之恩効
疆場之力故能以少勝衆逆渠懼而免脫此

天恩助順者三也知債轅之無濟掄幹材之可任時將軍兆惠以搜勦準夷餘黨至布露特部落已欵服其衆因命旋師定回部於是克庫車存沙雅爾定阿克蘇畧烏什收和闐師之所至降者望風直至葉爾奇木城下而我軍人馬周行萬有餘里亦猶強弩之末矣二酋以其逸待之力統數萬人與我三千餘人戰我師之過河者纔四百餘猶能斬將搴旗退而築堡黑水固守以待此

天恩助順者四也萬里之外抱水救火其曷能濟乃予以去年六月卽降旨派兵撥馬欲以更易久在行間者耳故兵馬率早在途一趨進而各爭前恐後人人有敵愾之憤此

天恩助順者五也副將軍富德及叅贊舒赫德輩率師進援以速行戈壁中馬力復疲值狂狃據險坐俟頗有難進之勢夫援軍不能進則固守以待者危矣而叅贊阿里袞後隊之馬適至夜擣賊營我師內外夾攻彼不知我軍凡有幾萬握炭流湯之徒自相蹂躪顧命不暇於是解黑水之圍鹿駭麇驚遁而保窟我之

兩軍合隊全旅以迴阿克蘇此

天恩助順者六也既而彼料我必再入泰山之壓難當乃於我師未進之先攜其部落載其重器跳而遠去而葉爾奇木哈什哈爾二城之舊伯克等遂獻城以降叅贊明瑞一邀之於霍斯庫魯克副將軍富德再陷之於阿爾楚爾於是離心者面內前途者反施二酋惟挈其妻孥及舊僕僅三百人入拔達克山境此

天恩助順者七也人跡不通之地語言不同之國既已雀毆寧不狼顧其授我與否固未可定也然一聞將軍

之檄莫不援旗請奮整旅前遮遂得兇渠函首露布遙傳此

天恩助順者八也夷考西師之役非予夙願之圖何則實以國家幅員不爲不廣屬國不爲不多惟墮守成之志無希開創之名兼以承平日久人習於逸旣無非常之人安能舉非常之事而建非常之功哉然而輾轉輻湊每以難而獲易視若失而反得故自締始以速定功雖子自問亦將有所不解其故而不敢期其必然者故曰非人力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心

上蒼之心志

列祖之志勉繼繩於有永保丕基於無窮乎繫以銘曰

二酋偕德始亂為賊是興王師報怨以直伊犁既平

蕞爾奚屑徐議耕闢徐議戍設以噢以咻伊子本懷

豈其弗戢圖彼藐狃彼狃不量怒膺當車戕我王臣

助彼狂狃始攻庫車償贖敗事用人弗當至今為愧

悖逆罪重我武宜揚易將整師直歷彼疆阿蘇烏什

玉隴和闐傳檄以定肉袒羊牽二酋孽深知不可活

狼狽相顧固守其穴桓桓我師周行萬里馬不進焉

強弩未矣以四百人戰萬餘虜退猶能守黑水築堡

間信達都為之傷悼所幸後軍早行在道督勅速援

人同怒心曾不兩月賊境逼臨賊境逼臨彼復徼隙

馬繼以進賊營夜斫出其不意賊乃大驚謂自天降

孰敢鋒撓大鞞大膊如虎搏兕案角隴種誰敢迴顧
 黑水圍解合軍暫旋整旅三路期並進焉賊偵軍威
 信不可支挈其妻孥遁投所依所依亦回豈不自謀
 豈伊庇猿而受林憂利厥輜重無遺盡掠遣其都九
 遂來獻誠詎惟獻誠並以稱臣捧贄表章將詣都門
 奏凱班師前歌後舞尸遂染鏑温禺覺鼓露布至都
 正逮初陽

慈寧稱慶亞歲迎祥

郊廟告成諸典並舉皇皇太學豐碑再樹豐碑再樹敢予

喜功用不得已

天眷屢蒙始之以武終之以文戡亂惟義撫衆惟仁布惠

施恩寰寓共喜古不羈縻今爲臣子疆闢二萬兵出

五年據寔書事永矢乾乾

御製平定回部勒名伊西洱庫爾淖爾碑文

機有視若失而反得智者之所勲而愚者之所惑也

事有初若勞而終逸壯者之所劬而懦者之所怯也

若夫定全回殲二酋戰無不克攻無不取皆二將軍

及諸叅贊以及行間衆將士之力也然子亦有所深

皇朝文獻通考卷二百八十五
慰於其間者則以五年勅劬宵旰運籌狎至實未敢
偷安於頃刻也幸我武保定庶因答

乾賦慰

先志且以免浮議之指斥也伊西洱庫爾淖爾者我副將
軍富德等窮追二酋至拔達克山之界獲其降者萬
人二酋僅以身免而遣使索俘遂得獻馘振旅以成
茂勳也其地依山臨水單騎可容而我突將無前四
甄並廢如入無人之域也賊衆首尾不能相顧豎我
四燾以招之降者鋪崖以來霍集占持刃止之或且

反戈倒戟也是以二酋見事不成拔身遠跳駭突而
喙息也先是蹙之於霍斯庫魯克襲之於阿爾楚爾
無不以少勝衆批亢擣堅桓桓之士直如驅虎豹而
逐狸兔纏頭碩鼻者流皆恹恹跟跟見卽辟易也是
以先聲異域駭其跳盪遮逆助順用攬重輜而獻兇
級也我兵未深入拔達克山境者則以討逆之師不
蹂無罪之地姑遣使焉彼域曉逆順亦將擒獻是以
將帥之臣審機度時我武少輯也卒蕝事而告成功
則亦未爲計之失也回部始末已見於勒銘葉爾奇

木之碑辭不復綴也特紀者定之在茲是以誌歲月而刻石也

闢展城東至塔呼接哈密界西至伊拉里克接哈喇沙爾界南臨沙磧北至博克達山接天山北路界城一所屬城村中最著者曰吐魯番至京師八千一百十里漢時爲車師前王國其西北境兼爲車師後城長車師都尉與山北六國地後俱併於車師元帝時置戊巳校尉屯田車師前王庭後漢永光時復置校尉治車師前部高昌壁晉咸

和中前涼張軌置高昌郡後入於北魏尋爲蠕所併後其國復立唐貞觀時平高昌以其地爲西州置安西大都護府顯慶時移安西都護治龜茲城改置西州都督府於此後復改爲金山都護府天寶元年改西州爲交河郡乾元元年復爲西州領高昌柳中交河蒲昌天山五縣寶應時改高昌爲前庭縣時西州治前庭爲今哈喇和卓諸城地柳中居前庭之東爲今闢展本城及魯克察克以東諸城地交河居前庭之西爲今交河城以西諸

城地蒲昌居前庭之南為今勒木丕以南地天山
 居前庭之北為今連木齊木以北地安史之亂其
 地皆陷於吐蕃宋時仍名高昌其地有回鶻雜居
 亦謂之西州回鶻元時號輝和爾置萬戶府明時
 為吐魯番柳城火州諸地
 皇朝初為吐魯番地後為準噶爾所侵掠屢經遷徙
 乾隆二十四年平定西域後遷吐魯番部於闐展
 所屬之吐魯番城其地皆內屬駐辦事大臣管轄
 無定員仍設伯克分理境內事務

闐展城屬地

塔呼 在闐展城東二百八十里為東
 東界自此至洪皆在闐展東境

納呼 在塔呼西
 七十里

齊克塔木 在納呼西
 百四十里

特斯 在齊克塔木
 西三十里

特庫斯 在特斯西
 二十里

洪 在特庫斯
 南二十里

楚輝 在洪西北二十里自此至
 伊拉克皆在闐展西境

色爾啟布 在楚輝西
 北四十里

魯克察克 在楚輝西五十里漢時車師前國柳中地為戊巳校尉所居後漢西域長史居此唐時為高昌國田地城人唐為柳中縣治自此東至塔呼皆為縣境元時稱為魯古塵明為西域之柳城地

洋赫 在魯克察克西北二十里

哈喇和卓 在洋赫西北三十里唐時高昌國故城入唐為唐昌縣治後為前庭縣治自此

東南至洋赫西北至阿斯塔克皆為縣境元時稱為合刺火者明為西域之火州地

玉門口 在哈喇和卓西北十里

阿斯塔克 在哈喇和卓西五里

勒木丕 在阿斯塔克西南二十里唐時為蒲昌縣地自此南經沙磧直抵羅布淖爾皆為縣

境

吐魯番 在阿斯塔克西北五十八里唐時為高昌縣之安樂城地乾隆三十一年平定準噶

爾移瓜州吐魯番還居於此

臣等謹按吐魯番部係元太祖次子察哈台受封

於此本為蒙古後習回教明初與柳城俱屬於火

州永樂宣德年間火州王與柳城吐魯番萬戶俱

遣使入貢成化以後吐魯番曰強遂併有火州柳

城之地

皇朝順治三年吐魯番內附貢使不絕雍正初年其

酋長額敏和卓避準噶爾侵掠自吐魯番城東遷於魯克察克地方其後率眾內附駐其部眾於嘉峪關外之瓜州編為一旗封額敏和卓為扎薩克輔國公乾隆二十年以後屢晉封爵以西域蕩平遷吐魯番人復還故地並封額敏和卓之子蘇賚滿公爵管轄回眾

交河城

在吐魯番城西二十里漢時為車師前王庭後漢戊巳校尉居此唐時為交河縣治

自此西至伊拉里克皆為縣境

雅木什

在交河城西南十五里

安濟延

在雅木什西五里

布干

在安濟延西南三十里

托克三

在布干西南六十里

伊拉里克

在托克三西四十里自塔呼至此皆為漢時車師前王國地

連木齊木

在闐展地西八十里漢時為車師後城長國地自此至濟木薩皆在闐展西北

境

雅圖庫

在闐展城西七十里漢時為車師都尉國地

罕都

在連木齊木東北二十五里漢時為車師後城長及都尉二國地

蘇巴什

在連木齊木西二十里漢時為郁立師國地

僧尼木 在蘇巴什西三十里漢時為卑陸前國地

汗和羅 在僧尼木東北一百里漢時為卑陸後國地

穆圖拉克 在僧尼木西北六十里

布拉里克 在僧尼木西北七十里與穆圖拉克皆漢時劫國地又有東西且彌二國皆在

附近金嶺以北山谷之間是為山北六國

濟木薩 在布拉里克西北九十里漢時為車師石城地白連木齊木至此皆為唐時天山縣地

哈喇沙爾城東至烏沙克塔勒東北至察罕通格接闡展界西至鄂博爾接庫車界南臨沙磧北至

天山踰山接烏魯木齊界城二舊城在海都河西新城在特伯勒古西至

京師九千一百里漢時為焉耆國其東境兼為危須國西南境兼為尉犁國渠犁國地宣帝時置西域都護理烏壘城以為西域適中之地唐初焉耆國附西突厥後討降之遙置焉耆都督府為四鎮之一隸於安西都護府其西境兼為輪臺縣地隸於北庭都護府貞元時俱廢宋時為西州回鶻地元時為巴什伯里地置軍站宣慰司元帥府明時為

伊力把里地舊屬於回部乾隆二十一年既平準

噶爾沙拉斯台吉兄弟以城來降二十三年逆回

和卓木叛沙拉斯相應為逆討平之其地內屬駐

辦事大臣管轄無定員仍設伯克分理境內事務

哈喇沙爾城屬地

烏沙克塔勒 在哈喇沙爾城東二百十五里為最

爾東境

察罕通格 在哈喇沙爾城東北一百九十五里

楚輝 在烏沙克塔勒西五十里

塔噶爾齊 在楚輝西三十里

特伯勒古 在塔噶爾齊西北四十五里自烏沙克塔勒至此皆漢時危須國地後為焉耆

併所

佛和屯 在哈喇沙爾城西二十里自此至鄂博爾皆在哈喇沙爾西境

碩爾楚克 在佛和屯西南二十里

博爾海 在碩爾初克西南二十里

哈勒噶阿滿 在碩爾楚克南五十里自佛和屯至此又西為庫隴勒皆在海都河之南

為漢時尉犁國地後為焉耆所併

庫隴勒 在哈勒噶阿滿西南七十里

車爾楚 在庫隴勒西一百七十里

策特爾 在車爾楚西一百四十里漢時烏壘城地為西域都護治所後漢為烏壘國後為焉耆所併唐遙置為烏壘州地其南境即漢時渠南

犁國後亦入焉耆唐遙置為渠犁都督府地

英阿薩爾 在策特爾西七十里

布古爾 在英阿薩爾西一百二十里漢時輪臺地後亦為侖頭國為龜茲所併唐遙置為輪

臺州都督府又並為輪臺縣故地

鄂博爾 在英阿薩爾西北三十里

庫車城東至第納爾河接哈喇沙爾界西至烏恰

特河接賽哩木界南亦至烏恰特河接沙雅爾界

北至額齊奇巴什山接伊犁界城一至

京師一萬有八十里漢時為龜茲國地唐初附西突

厥後討降之徙安西都護於其國後復遙置龜茲

都督府為四鎮之一隸於安西都護府貞元時廢

宋時為西州回鶻地亦稱龜茲回鶻元明時為巴

什伯里地舊屬於回部乾隆二十三年大兵進討

逆回霍集占至此逆黨阿布都克勒木竄去霍集

占來援我軍敗之於烏恰特河以殘兵入庫車旋

復遁去其故伯克阿集等以城降其地內屬駐辦

事大臣管轄無定員仍設伯克分理境內事務

庫車城屬地

阿巴特

在庫車城東二百里

托和爾

在庫車城東南六十里

特勒伯

在庫車城東南一百里

常格

在庫車城南三十里

奇里什

在庫車城東北六十里

額齊奇巴什

在庫車城東北九十里

沙爾達朗

在庫車城西六十里

台吉克

在庫車城西一百里

哈魯納斯

屬庫車城

哈喇阿薩爾

屬庫車城

阿勒玉蘇布

屬庫車城

達古圖

屬庫車城

京庫克勒津

屬庫車城

羸和

屬庫車城

裕赤哈喇

自哈魯納斯至此皆庫車附近境內

沙雅爾城東至托伊博羅多接哈喇沙爾界西至

塔木根庫勒接阿克蘇界南至塔里木濱大河北至烏恰特河接庫車界城一在庫車城南一百五十里至

京師一萬有二百三十里漢唐時皆為龜茲國地元明時為巴什伯里地舊屬於回部乾隆二十三年大兵圍庫車逆回自沙雅爾來援者多為我軍所敗沙雅爾逆黨阿布爾什木竄去其故伯克烏哈墨第等以城降其地內屬仍設伯克分理境內事務兼統於庫車辦事大臣

沙雅爾城屬地

托伊博羅多在沙雅爾城東一百二十里

喀什木阿塔在沙雅爾城東南四十里

坡斯在沙雅爾城東北三十里

庫克布葉在沙雅爾城西北四十里

哈爾噶齊在沙雅爾城西北四十里

塔木里在沙雅爾城南一百二十里

察本在沙雅爾城西南四十里

葉勒阿里克在沙雅爾城西南七十里

葉伊勒干 在葉勒阿里
克西八十里

葉古爾德 在葉伊勒干
西七十里

達什肯庫爾 在葉古爾德
西六十五里

布古斯孔郭爾郭 在達什肯庫爾
西一百二十里

呼爾特濟什 在布古斯孔郭
爾郭西四十里

塔木根庫勒 在沙雅爾城
西一百四十里

賽哩木城東至嚇色勒河接庫車界西至喀喇烏
蘇接拜界南至木素爾河踰河接沙雅爾西南境
外界北至天山踰山接伊犁西境外界城一在庫

車城西南二百十里至

京師一萬有二百九十里漢時為龜茲國地唐時為

龜茲俱毗羅城地元明時為巴什伯里地舊屬於

回部乾隆二十三年大兵圍庫車賽哩木伯克阿

古斯等即以城降其地內屬駐侍衛等官管轄又

兼轄拜城無定員仍設伯克分理境內事務兼統

於阿克蘇辦事大臣

賽哩木城屬地

赫色勒 在賽哩木城
東二十五里

布干 在賽哩木城西十五里

濟爾噶朗 在布干西南五里

他爾阿里克 在濟爾噶朗西南四里

托克三 在他爾阿里克西十里

布隆 在托克三北十二里

哈喇都伯 在布隆東北十五里

堪齊塔木 在哈喇都伯西北二十里

明哲克得 在堪齊塔木東二十里

雅哈阿里克 在明哲克得東五里

拉布帕爾 在雅哈阿里克東北五里

拜城東至喀喇烏蘇接賽哩木界西至和什得穆

接阿克蘇界南至木素爾河踰河接沙雅爾西南

境外界北至天山踰山接伊犁西境外界城一在

賽哩木城西九十里至

京師一萬有三百八十里漢時為龜茲國地唐時為

龜茲阿悉言城地元明時為巴什伯里地舊屬於

回部乾隆二十三年大兵既克庫車拜城回眾來

降其地內屬仍設伯克分理境內事務兼統於阿

克蘇辦事大臣

拜城屬地

雅哈阿里克 在拜城東南十五里

都爾伯勒津 在雅哈阿里克東五里

舍爾 在都爾伯勒津西北七里

色勒克恰特 在拜城東十五里

吹嘉 在色勒克恰特東南五里

阿特巴什 在吹嘉東五里

推格博尼 在阿特巴什南五里

奎裕巴克 在阿特巴什南五里

蘇爾袞 在色勒克恰特北五里

托木碩克 在蘇爾袞東北五里

雅爾圖喇 在托木碩克東五里

英額亮格爾 在雅爾圖喇北五里

伊密什 在雅爾圖喇東北十里

布爾噶 在伊密什北三里

塔什干 在蘇爾袞北十里

伯里葉克齊 在塔什干北十里

鄂爾塔克齊

在塔什干西五里

阿斯騰海里瑪

在鄂爾塔克齊西五里

塔克齊

在阿斯騰海里瑪西十里

玉斯屯海里瑪

在塔克齊西五里

什喇勒台

在拜城西三十里

葉伊勒干

在拜城西八十里

和什得穆

在葉伊勒干西十里

阿克蘇城東至雅哈阿里克接拜界西至哲爾格哲克得接烏什界南臨喀什噶爾河北至塔木哈

塔什接伊犁西境外界有城四左右連峙至

京師一萬有七百九十里漢時為溫肅國其東境兼

為姑墨國地其後溫肅為姑墨所併至三國時其

國復立北魏以後並屬於龜茲唐時遙置為溫肅

州地亦名溫府州其東境兼為和墨州地元明時

為巴什伯里地舊屬於回部與烏什喀什噶爾葉

爾羌為四大回城乾隆二十三年大兵既克庫車

阿克蘇回眾逐逆酋霍集占所置伯克以城降其

地內屬駐辦事大臣管轄又兼轄賽哩木及拜二

城無定員仍設伯克分理境內事務

阿克蘇城屬地

雅哈阿里克 在阿克蘇城東二百八十里為最東

自赫色勒河以西塔里木河以北為漢時姑墨國

地唐時為亟墨國一名跋祿迦唐遙置為和墨州

哈喇裕勒袞 在雅哈阿里克西一百二十里

扎木 在哈喇裕勒袞西南八十里

帕爾漢 在阿克蘇城東五十里

雅爾巴什 在帕爾漢西十里

赫色勒 在帕爾漢東四十里

齋托克喇克 在赫色勒東南五十里

亮格爾 在赫色勒東北九十里

伊勒噶齊 在亮格爾西二十里

哈爾噶伊密什 在阿克蘇城北二十里

額格爾齊 在阿克蘇城南十里自此至賽阿里克皆阿克蘇南境

喀勒喀勒 在額格爾齊東六十里

科布魯克 在喀勒喀勒西南三十里

庫穆巴什 在科布魯克東五里

伯什阿里克 在庫巴穆什東五里

和卓巴斯喀克 在伯什阿里克東十里

呼木什阿里克 在和卓巴斯喀克西南十里

哈喇塔勒 在呼木什阿里克東南二十里

烏珠木 在哈喇塔勒西二十里

英額阿里克 在烏珠木西北三十里

賽阿里克 在英額阿里克西四十里

哈喇木克齊 在額格爾齊西南十二里自此至哲爾格哲克得皆阿克蘇西境

薩克薩克 在哈喇木克齊南十里

托布坎 在哈喇木克齊北十里

得布特爾 在哈喇木克齊西北八里

鄂喇齊 在得布特爾西二十里

阿喇勒 在鄂喇齊北二十里

超達爾 在阿喇勒北二十里

誇特特爾 在阿喇勒西二十里

拜林 在誇特特爾西南二十里

察克喇克 在誇特特爾南二十里

吐爾伯特 在察克喇克西南十里

阿克雅爾 在賽阿里克西一百里

伯列克里克 在阿克雅爾西南九十里

訥呼恪恰特 在伯列克里克西南四十里

哲爾格哲克得 在阿克雅爾西五十里

烏什城東至噶斯漢接阿克蘇界西至色帕爾拜

又西南行接喀什噶爾界南至庫魯克山踰山接

葉爾羌及和闐北界北至天山踰山通伊犁西界

外界城一在阿克蘇西境哲爾格哲克得西九十

里至

京師一萬有九百九十里漢時為尉頭國地唐時遙

置為尉頭州地亦名鬱頭州元明時為巴什伯里

地舊屬於回部乾隆二十三年大兵至哲爾格哲

克得地方有故和闐城伯克霍集斯及其子阿奇

木伯克漠咱吧爾等以不從霍集占為逆先固守

於此以城降其地內屬駐總理回城叅贊大臣協

辦大臣管轄無定員仍設伯克分理境內事務乾

隆三十一年

賜城名曰永寧城

烏什城屬地

關展 在烏什城東一百十里

哈喇和卓 在關展西南五十里

僧尼木 在哈喇和卓南四十里

魯克察克 在僧尼木西三十里

托克三 在魯克察克東北四十里

雅爾 在關展南四十里

洋赫 在雅爾東二十里

布干 在雅爾北三十里

烏什城屬地

關展在烏什城東一百十里

哈喇和卓在關展西南五十里

僧尼木在哈喇和卓南四十里

魯克察克在僧尼木西三十里

托克三在魯克察克東北四十里

雅爾在關展南四十里

洋赫在雅爾東二十里

布干在雅爾北三十里

罕都 在布干西三十里

連木齊木 在罕都西北十里

雅木什 在連木齊木北三十五里

臣等謹按自雅木什以上諸地名多與關展城所轄地相類當時回眾世居關展自役屬準噶爾後仍始西遷不忘舊居仍其故號故其名兩地符合

云

英額阿里克 屬烏什城

必特克里克 與英額阿里克並在烏什城之東北

古古爾魯克

屬烏什城

沙圖

與古古爾魯克並
在烏什城之西北

巴什雅克瑪

屬烏什城

古木克齊克

與巴什雅克瑪並
在烏什城之西南

色帕爾拜

在古木克齊克西
十里為烏什最西界

呼蘭齊克

在烏什城西
南八十里

扎木必勒阿斯提

在呼蘭齊克西
南六十六里

齋都伯

在扎木必勒阿斯
提西南四十里

素袞

在齋都伯西
南四十里

巴爾昌

在素袞西南一百二十里自呼蘭齊克至
此為烏什城西南境外通喀什噶爾之路

其南則東西千里沙磧
彌望為古疏勒國東境

喀什噶爾城東北至阿喇古接烏什界東南至赫

色勒布伊接葉爾羌界西與北皆至蔥嶺通布魯

特安集延界在烏什城西南九百三十五里所屬

城村中最著曰英阿薩爾至

京師一萬一千九百二十五里漢時為疏勒國其南

境兼為依耐國地唐初疏勒國內附遙置疏勒都

督府為四鎮之一隸於安西都護府貞元時廢宋

時亦為疏勒國元至元時詔安慰合失合兒等城
即今之喀什噶爾明時稱為哈實哈兒舊屬於回
部為逆回大和卓木波羅泥都之故城乾隆二十
三年大兵既克庫車逆回霍集占西遁我軍追至
葉爾羌波羅泥都自喀什噶爾以眾赴援與霍集
占合負隅拒守者累月我師還次阿克蘇整軍再
進霍集占先從葉爾羌遁而西波羅泥都復入喀
什噶爾掠其牲畜踰山而西與霍集占俱遁二十
四年我帥進赴喀什噶爾東至百餘里其故伯克

率回眾等以城降其地內屬駐辦事大臣協辦大
臣領隊大臣及總兵等官管轄無定員又分駐英
阿薩爾辦事大臣一人仍各設伯克分理境內事
務喀什噶爾城屬地

霍爾干 在喀什噶爾城東北十里自此
至阿喇古皆喀什噶爾東北境

阿斯騰阿喇圖什 在霍爾干西南
北七十里正里自此

玉斯屯阿喇圖什 在阿斯騰阿喇
圖什西八十里

阿喇古 在阿斯騰阿喇
圖什東一百里

伯什克勒木 在喀什噶爾城東三十五里自此至
赫色勒布伊皆喀什噶爾東南境

阿爾巴特 在伯什克勒木東南十里

排資阿巴特 在阿爾巴特東一百六十里

赫色勒布伊 在阿爾巴特西一百十里

塞爾們 在喀什噶爾城西南五里自此至鄂帕勒皆喀什噶爾西南境

托克庫爾薩克 在塞爾們南三十五里

塔什巴里克 在托克庫爾薩克南一百十里

鄂帕勒 在托克庫爾薩克西八十里

哈喇刻爾 在喀什噶爾城南三十里自此至托撲魯克皆喀什噶爾南境

提斯亥 在哈喇刻爾南三十里

英阿薩爾 在提斯亥南一百四十里為漢時依耐國地後漢時為莎車所併

托撲魯克 在英阿薩爾東南七十里自此而南接葉爾羌西界

喀什噶爾西境外地

和什庫珠克 舊稱霍斯庫魯克在喀什噶爾城西五百里

阿拉楚勒 舊稱阿爾楚爾在和什庫珠克西三百里漢時為無雷國地北魏時為鉢和國

地唐時為喝盤陀地

京葉爾羌城轉音為葉爾奇木城東北至察特西凌

接阿克蘇界西南至沙爾虎勒入蔥嶺通拔達克

山界東南至丕雅勒阿勒瑪接和闐界北至喀什

皇朝文獻通考 卷二百八十五
三
噶爾河接喀什噶爾界城一東道由阿克蘇八百
里西道由喀什噶爾五百里至其地至
京師一萬二千四百二十五里漢時爲莎車國其西
南境兼爲西夜國地平帝以後西域多屬於匈奴
惟莎車附漢後漢建武時立其王爲西域大都尉
率五十五國皆屬焉永平時爲于闐所破後其國
復立北魏時爲渠莎國地周隋以後爲于闐所併
唐時亦曰沮渠仍併入于闐唐遙置爲毗沙都督
府地尋廢宋時亦爲于闐國元至元時置于闐及

鴉兒看兩城水驛後又詔安慰鴉兒看等城卽今
之葉爾羌明時稱爲葉爾欽舊屬於回部亦稱回
回國爲逆回小和卓木霍集占之故城乾隆二十
三年大兵進討逆回至此兩和卓木負固拒守屢
戰輒敗而城未下我軍用奇往城南之英莪奇盤
山反爲所圍築堡固守會新調兵先已在途赴援
合擊圍乃解整旅還阿克蘇尅期復進二酋棄城
先遁葉爾羌之舊伯克率回衆以城降其地內屬
我軍追逆回敗之於和什庫珠克又敗之於阿拉

楚勒復敗之於葉什勒庫勒逆回奔拔達克山旋
卽授首回部全地悉定駐叅贊大臣領隊大臣等
官管轄無定員仍設伯克分理境內事務
御製平定回部勒銘葉爾奇木碑文
粵稽回始肇自天方又名默克一日天堂大食見元
回鶻見唐是皆彷彿所傳弗詳惟我皇清撫有華夏
血氣之倫均歸陶冶準夷昔強冥頑弗下恃厥險遠
實梗化者獫狁其衆豺狼其羣以回爲羊役以耕耘
利其善賈三倍市欣拘二酋長處伊犁濱四大回城

輸租獻賦騰格是供衛拉是懼繭絲奚堪溝壑已遽
有面內心其何能訴準夷旣平羣回見天謂自今始
飽食晏眠遣厥酋歸撫爾土田生死肉骨詎疑變遷
詎疑變遷德竟怨報助我叛疆戕我使軺叶是用興
師聲罪致討叶乃敢抗顏蝸蟻謹譟旣侮厥外宜安
厥內而何狂狙心焉昏憤殺人爲戲奪妻爲穢大失
衆心無不怨背三道並發四甄齊攻酋知弗支自攜
一空廿日之前駢走無蹤爾雖無蹤我追應窮滔滔
洸洸連戰皆克旦夕苟延遂入異域異域畏懷舉旂

助力腐鼠莫通遂來獻馘二首既殲諸回永靖叶設
 官定賦去其苛政昔之諸回曉戰夜偵今恬以嬉各
 保性命昔之諸回為準夷臣今語鄰封曰天王民曰
 天王民誰汝苦辛藝爾黍稷孳爾子孫在昔已已爰
 平金川茲定回部亦已卯年歲符理紀瑞疊祥駢持
 盈保泰惟懋慎旃

葉爾羌城屬

察特西凌

在葉爾羌城東北六百里自此
至呼拉瑪皆葉爾羌東北境

巴爾楚克

在察特西凌
西南一百里

呼拉瑪

在巴爾楚克西
南一百三十里

伯什恰特

在葉爾羌城東五十里
與拜林皆葉爾羌東境

拜林

在伯什恰特
東北五十里

密什雅爾

在葉爾羌城北十五里自此至
庫勒塔里木皆葉爾羌北境

塔噶爾齊

在密什雅爾
東十八里

阿布布爾

在塔噶爾齊
東二十里

汗阿里克

在葉爾羌城
北四十里

庫勒塔里木

在汗阿里克東
北二百六十里

雅哈阿里克

在葉爾羌城西南四十里自此
至英莪奇盤皆葉爾羌西南境

博斯恰木 在雅哈阿里 克南三十里

裕勒阿里克 在博斯恰木南一百七十里自此而西南為漢時西夜國又西為子合國

北魏時為悉俱半地 唐時為朱俱波地

庫克雅爾 在裕勒阿里 克西五里

他克布伊 在庫克雅爾 西北二百里

英莪奇盤 在西北一百里

鄂屯楚魯克 在葉爾羌城南四十里自此至 阿克阿里克皆葉爾羌東南境

沙圖 在鄂屯楚魯克 南一百六十里

呼木什恰特 在沙圖西北 二十五里

伯什阿里克 在呼木什恰特 東南一百里

托古斯恰特 在伯什阿里 克東一百里

哈爾噶里克 在伯什阿里 克西南八十里

貝拉 在哈爾噶里 克東南六十里

楚魯克 在哈爾噶里 克東南七十里

丕什南 在楚魯克 東三十里

固瑞 在丕什 南七十里

章固雅 在固瑞 南四十里

薩納珠 在章固 雅南二十里

穆集 在固璠東南八十里

袞得里克 在穆集東南四十里

都幹 在袞得里克東南六十里自丕什南至此其魏時為蒲山國後為于闐所併

丕雅拉阿勒瑪 在穆集西

阿克阿里克 在穆集東北二百里

鄂爾多諾斯騰 在葉爾羌城西二十里自此至沙爾虎勒皆葉爾羌西境

阿喇勒 在鄂爾多諾斯騰西南二十里

喀瑪喇克 在阿喇勒西二十里

喇巴特齊 在喀瑪喇克西五十里

哈喇古哲什 在喇巴特齊西三十里

和什阿喇布 在哈喇古哲什西南二十里

伊奇蘇寧阿喇斯 在和什阿喇布東南一百里

沙爾虎勒 在和什阿喇布西五百里

葉爾羌西境外地

塞爾勒克 在葉爾羌城西南五百餘里葱嶺中

喀爾楚 在塞爾勒克西南一百五十里與塞爾勒克並在葱嶺中為漢時蒲犁國地後漢時為德若國北魏至唐時為喝盤陀地自此西北行通阿拉楚勒葉什勒庫勒界東南行通拔達克山

喀爾楚

為德若國北魏至唐時為喝盤陀地自此西北行通阿拉楚勒葉什勒庫勒界東南行通拔達克山

通阿拉楚勒葉什勒庫勒界東南行通拔達克山

通阿拉楚勒葉什勒庫勒界東南行通拔達克山

界

和闐東至克勒底雅河入沙磧西至皂瓦河接葉爾羌界南至南山北盡和闐河接阿克蘇界城六

至

京師一萬二千一百五十里漢時為于闐國亦作于

寘北魏以後併有扞彌渠勒戎盧諸小國其地益

大唐時又號瞿薩旦那國初屬於突厥貞觀末內

附置于闐鎮為四鎮之一隸於安西都護府上元

初復遙置毗沙都督府貞元時廢元明皆為于闐

國時與中國通諸城向受回首節制乾隆二十三

年大兵進至阿克蘇將軍參贊大臣等信檄往撫

之時逆回霍集占使者已先在其地六城伯克等

聞

天朝使至即擊逐逆黨恭迎我使傾心歸順以城內屬

其後賊以和闐道遠大兵難至率眾來攻旋因我

軍赴援乘霧合擊賊驚潰去和闐回長霍集斯伯

克再赴軍門投誠因遣其子漠咱吧爾入

覲其後錫以封爵和闐全地悉定駐辦事大臣管轄

無定員仍設伯克分理境內事務

和闐六城

額里齊城 為六城之首漢時為于闐國都唐時為于闐鎮城地

哈喇哈什城 在額里齊城西北六十里唐時為于闐國葦關地

玉隴哈什城 在額里齊城東南三十里

齊爾拉城 在玉隴哈什城東二百里西距額里齊城二百三十里唐時為于闐國坎城地

塔克城 在齊爾拉城東南一百一十里西北距額里齊城四百十里唐時為于闐國次城地

克勒底雅城 在齊爾拉城東南二百里西距額里齊城四百三十里為和闐最東南境

漢時為扞彌國地後漢為拘彌國後為于闐所併唐時為于闐國蘭城地

和闐屬地

丕什雅 在額里齊城西南一百六十里

托蘇拉固葉 屬和闐

哈朗歸塔克 與托蘇拉固葉並在額里齊城南境

貝喇齊 在額里齊城西北七十里

阜幹勒 在額里齊城西一百二十里

伯爾烏咱克 屬和闐

吉爾布斯塔藏 與伯爾烏咱克並在額里齊城西境

密爾呼雅古葉 屬和闐

烏哈什屬和闐

巴爾默齊伊克自密爾呼雅古葉至此

勒沁托海在玉隴哈什城北一百呈西南距額里

喇克皆東傍和闐河

蘇克坦雅雅克在勒沁托海北五十里

額克里雅爾在蘇克坦雅雅克北七十里

坡多拜爾在額克里雅爾北五十里

喀提里什在坡多拜爾北二十里

塔喀喀在喀提里什北二十五里

瑪爾占鄂勒底在塔塔喀北六十五里

吉拉木雅依底在瑪爾占鄂勒底北二十里

巴什布克色木在吉拉木雅依底北五十里

鄂托喇布克色木在巴什布克色木北四十里

愛雅克布克色木在鄂托喇布克色木北六十里

伯德里克鄂拓克在愛雅克布克色木北八十里

伯什阿喇勒在伯德里克鄂拓克北五十里

齊克齊鄂拓克在伯什阿喇勒北六十里

波斯當托郭喇克在齊克齊鄂拓克北一百二十里為和闐最東北境自此北行

七十里至喀喇烏里為呼圖爾東北對自此北計蘇接阿克蘇界

和闐東境外地

克里頁 在塔克城東南七十里漢時為渠勒國地後為于闐所併

阿勒屯郭勒 在克里頁東八十里南二百里

蘇格特 在阿勒屯郭勒西南一百里自阿勒屯郭勒至此為漢時渠勒戎盧二國交界地

巴爾呼都克 在蘇格特東南二百里漢時為戎盧國地後為于闐所併

額德爾干 在巴爾呼都克東北四百里西距和闐克勒底雅城七百餘里在和闐東沙磧

之外漢時當為精絕國地自此東南三百里為勒斜爾烏蘭達布遜山及錫津烏蘭托羅海等山漢時當為小宛國地又東北五百餘里為漢時且表鄰善二國地通安西府屬敦煌縣西境外界

皇朝文獻通考卷二百八十五

和闐東境外地

克里雅在東境南境

阿勒屯郵路在東境

蘇格特在東境南境

巴爾呼都克在東境

皇朝文獻通考卷二百八十五



